



IZVJEŠTAJ FINANSIJSKE REVIZIJE

PRAĆENJE POSTUPANJA PO PREPORUKAMA IZ IZVJEŠTAJA O FINANSIJSKOJ REVIZIJI VRHOVNOG SUDA FEDERACIJE BOSNE I HERCEGOVINE ZA 2022. GODINU

Broj: 01-02-06-11-1-3600-4/25



Sarajevo, januar 2026. godine





SADRŽAJ

I.	IZVJEŠTAJ NEZAVISNOG REVIZORA	1
II.	IZVJEŠTAJ O POSTUPANJU PO PREPORUKAMA	3
1.	UVOD	3
2.	OCJENA POSTUPANJA PO PREPORUKAMA.....	5
2.1	Realizovana preporuka	5
2.2	Djelimično realizovana preporuka	5
2.3	Preporuka za koju nije izvršena ocjena postupanja.....	6
3.	POSTUPANJE PARLAMENTA FBiH	6
4.	KOMENTARI NA NACRT IZVJEŠTAJA.....	6
5.	PRILOG	7



I. IZVJEŠTAJ NEZAVISNOG REVIZORA

Predmet

Ured za reviziju institucija u Federaciji Bosne i Hercegovine proveo je praćenje postupanja po preporukama iz **Izveštaja o finansijskoj reviziji Vrhovnog suda Federacije Bosne i Hercegovine za 2022. godinu**,¹ u skladu s odredbama Zakona o reviziji institucija u FBiH („Službene novine FBiH“, br. 22/06), u skladu s INTOSAI Okvirom profesionalnih objava² i Procedurom za praćenje postupanja po preporukama iz izvještaja o finansijskoj reviziji.

Vrhovne revizijske institucije imaju važnu ulogu u praćenju preduzetih mjera subjekta revizije shodno ISSAI-ju 100 – Osnovni principi revizije javnog sektora. Praćenje je usmjereno na to da li je subjekt revizije adekvatno adresirao postavljena pitanja, te se prilikom praćenja razmatraju i šire implikacije.

Odgovornost rukovodstva za postupanje po preporukama

Predsjednik Vrhovnog suda Federacije Bosne i Hercegovine odgovoran je za pripremu programa provođenja datih preporuka, za provođenje i za izvještavanje o provedbi.

Odgovornost revizora

Naša odgovornost je da provedemo praćenje i damo ocjenu i zaključak o postupanju po datim preporukama. Praćenje podrazumijeva proces objektivnog prikupljanja i procjenjivanja dokaza kako bi se utvrdilo da li je subjekt revizije i u kojoj mjeri preduzeo aktivnosti s ciljem otklanjanja utvrđenih neusklađenosti, slabosti i propusta koji su identifikovani u revizorskom izvještaju.

Meksička deklaracija³ daje slobodu VRI⁴ da iznose zapažanja i daju preporuke u izvještajima o reviziji. Također, Deklaracijom se nalaže postojanje efektivnih mehanizama za praćenje postupanja po preporukama VRI, odnosno da VRI imaju vlastiti interni sistem praćenja kojim se osigurava da revidirani subjekti na odgovarajući način i propisno odgovore na nalaze i preporuke VRI, kao i one koje utvrdi zakonodavna vlast, neki od njenih odbora/komisija ili upravni odbor revidiranog subjekta.

Shodno INTOSAI-ju P 12 – Vrijednosti i koristi vrhovnih revizijskih institucija – pokretanje promjena u životima građana, VRI trebaju imati efektivne mehanizme za praćenje realizacije preporuka, te javno izvještavati o preduzetim mjerama, s ciljem jačanja odgovornosti državnih i javnih organa.

Praćenje uključuje ispitivanje, testiranje i prikupljanje dovoljnih i adekvatnih revizijskih dokaza koji potkrepljuju zaključke iskazane po pitanju postupanja po datim preporukama.

Nezavisni smo od Vrhovnog suda Federacije Bosne i Hercegovine u skladu s ISSAI-jem 130 – Etički kodeks, i ispunili smo etičke odgovornosti.

Vjerujemo da su revizijski dokazi koje smo pribavili dovoljni i odgovarajući da osiguraju osnovu za naš zaključak.

¹ Broj: 01-02-06-11-1-3194-7/22

² Odluka o usvajanju i objavi INTOSAI Okvira profesionalnih objava („Sl. novine FBiH“, broj 17/25). INTOSAI Okvir profesionalnih objava (engl. IFPP) čini tri nivoa objava: INTOSAI principi (INTOSAI-P), međunarodni standardi vrhovnih revizijskih institucija (ISSAI) i INTOSAI smjernice (GUID).

³ INTOSAI-P 10 - Meksička deklaracija o nezavisnosti vrhovnih revizijskih institucija

⁴ VRI – vrhovne revizijske institucije



Zaključak

Na osnovu praćenja postupanja po preporukama iz **Izveštaja o finansijskoj reviziji Vrhovnog suda Federacije Bosne i Hercegovine za 2022. godinu** utvrđeno je da, od ukupno tri date preporuke:

- jedna preporuka je realizovana (33,33%);
- jedna preporuka je djelimično realizovana (33,33%);
- za jednu preporuku nije izvršena ocjena postupanja (33,33%).

Na osnovu prikupljenih revizorskih dokaza i izvršene ocjene postupanja po preporukama, zaključeno je da su preduzeti koraci na realizaciji datih preporuka, s obzirom na to da je najveći dio realizovan i djelimično realizovan. Preporučuje se nastavak rada i intenziviranje aktivnosti na realizaciji djelimično realizovane preporuke, s ciljem jačanja sistema internih kontrola i otklanjanja utvrđenih nepravilnosti.

Sarajevo, 26. 1. 2026. godine

ZAMJENICA GENERALNOG REVIZORA
Nina Džidić, s. r.

GENERALNI REVIZOR
Mirza Kudić, s. r.



II. IZVJEŠTAJ O POSTUPANJU PO PREPORUKAMA

1. UVOD

Ured za reviziju institucija u FBiH (u daljnjem tekstu: Ured za reviziju) izvršio je finansijsku reviziju Vrhovnog suda Federacije Bosne i Hercegovine (u daljnjem tekstu: Vrhovni sud) za 2022. godinu, sačinio Izvještaj o izvršenoj reviziji i dao pozitivno mišljenje o finansijskim izvještajima i pozitivno mišljenje o usklađenosti poslovanja sa zakonskim i ostalim propisima. U Izvještaju su date tri preporuke s ciljem otklanjanja uočenih propusta i nedostataka.

Vrhovni sud je postupio u skladu s članom 16. tačka 3. Zakona o reviziji institucija u FBiH i obavijestio Ured za reviziju o preduzetim radnjama radi prevazilaženja nepravilnosti identifikovanih u revizorskom izvještaju.

Praćenjem su obuhvaćene aktivnosti subjekta na implementaciji preporuka do 30. 6. 2025. godine. a uvažene su i informacije o poduzetim aktivnostima do sačinjavanja ovog Izvještaja. Podaci i informacije o preduzetim aktivnostima prikupljene su putem Upitnika o postupanju po preporukama (u daljnjem tekstu: Upitnik), dostavljene dokumentacije, te putem analize važeće regulative relevantne za subjekta.

Vrhovni sud je uz odgovore na Upitnik trebao dostaviti relevantnu dokumentaciju kojom dokazuje odgovore. Ukoliko relevantna dokumentacija nije dostavljena uz Upitnik ili do okončanja praćenja postupanja po preporukama, smatra se da aktivnosti na realizaciji preporuka nisu preduzete.

Analizom dostavljene dokumentacije, odgovora na Upitnik i informacija dobivenih na osnovu provedenih intervjua izvršena je ocjena postupanja po preporukama, koja je klasifikovana prema sljedećim kategorijama:

- **realizovana preporuka**
- **djelimično realizovana preporuka**
- **nerealizovana preporuka**
- **preporuka za koju nije izvršena ocjena postupanja**



U tabeli je pregled datih preporuka u **Izveštaju o finansijskoj reviziji Vrhovnog suda Federacije Bosne i Hercegovine za 2022. godinu**, koje su predmet praćenja:

REDNI BROJ	PREPORUKA	POGLAVLJE/ TAČKA
1.	Poduzeti dodatne aktivnosti na rješavanju predmeta unutar optimalnih i predvidivih rokova u skladu sa Pravilnikom o vremenskim okvirima za postupanje po predmetima u sudovima i tužilaštvima u BiH.	5.1
2.	Uspostaviti ažurne evidencije o radnom vremenu, u skladu s Pravilnikom o sadržaju i načinu vođenja evidencije o radnicima i drugim licima angažiranim na radu.	7.1.1
3.	Izvršiti revalorizaciju stalnih sredstava za 2022. godinu u skladu s članom 18. Uredbe o računovodstvu budžeta u FBiH, članom 66. Pravilnika o knjigovodstvu budžeta u FBiH i tačkom 25. Računovodstvenih politika za federalne budžetske korisnike i Trezor.	7.2.2

2. OCJENA POSTUPANJA PO PREPORUKAMA

Na osnovu izvršenog praćenja konstatovano je da, od ukupno tri date preporuke:

- jedna preporuka je realizovana (33,33%);
- jedna preporuka je djelimično realizovana (33,33%);
- za jednu preporuku nije izvršena ocjena postupanja (33,33%).

U prilogu ovog Izvještaja nalazi se upitnik o postupanju u kojem je Vrhovni sud dao ocjenu i komentar za svaku preporuku, te ocijenio da je realizovao jednu preporuku, jednu djelimično realizovao i za jednu preporuku nije vršio ocjenu postupanja.

2.1 Realizovana preporuka

Vrhovni sud je realizovao sljedeću preporuku:

Red. br.	PREPORUKA	KOMENTAR REVIZORA
1.	Uspostaviti ažurne evidencije o radnom vremenu, u skladu s Pravilnikom o sadržaju i načinu vođenja evidencije o radnicima i drugim licima angažiranim na radu.	Vrhovni sud je uspostavio sistem za elektronsku evidenciju radnog vremena, kojim se vrši evidencija i kontrola prisustva na poslu. Uvidom u dostavljene evidencije o radnom vremenu utvrđeno je da se vode ažurno i da sadrže elemente propisane Pravilnikom o sadržaju i načinu vođenja evidencije o radnicima i drugim licima angažovanim na radu.

2.2 Djelimično realizovana preporuka

Vrhovni sud je djelimično realizovao sljedeću preporuku:

Red. br.	PREPORUKA	KOMENTAR REVIZORA
1.	Poduzeti dodatne aktivnosti na rješavanju predmeta unutar optimalnih i predvidivih rokova u skladu sa Pravilnikom o vremenskim okvirima za postupanje po predmetima u sudovima i tužilaštvima u BiH.	Uvidom u izvještaje o poštovanju optimalnih i predvidivih rokova za 2023. i 2024. godinu utvrđeno je da su u toku 2023. u optimalnim rokovima riješena 2.773 predmeta, a u toku 2024. riješeno je 3.139 predmeta, što predstavlja povećanje od 420 predmeta. Također, na kraju 2024. godine evidentno je smanjenje broja neriješenih predmeta kod kojih je prekoračen optimalni rok na 154 u odnosu na 357 predmeta na kraju 2023. godine. Međutim, iako je evidentno smanjenje broja neriješenih predmeta u optimalnim rokovima, na kraju 2024. godine su neriješena ukupno 562 predmeta, zbog čega je preporuka ocijenjena kao djelimično realizovana.



2.3 Preporuka za koju nije izvršena ocjena postupanja

Preporuka za koju nije izvršena ocjena postupanja je sljedeća:

Red. br.	PREPORUKA	KOMENTAR REVIZORA
1.	Izvršiti revalorizaciju stalnih sredstava za 2022. godinu u skladu s članom 18. Uredbe o računovodstvu budžeta u FBiH, članom 66. Pravilnika o knjigovodstvu budžeta u FBiH i tačkom 25. Računovodstvenih politika za federalne budžetske korisnike i Trezor.	Revalorizacija stalnih sredstava za 2022. godinu nije izvršena jer su propisi kojima je bila utvrđena njena obaveza izmijenjeni 30. 8. 2023. godine, odnosno 22. 12. 2023. godine. Ovim izmjenama je prestala obaveza revalorizacije.

3. POSTUPANJE PARLAMENTA FBiH

S obzirom na to da je dato pozitivno mišljenje o finansijskim izvještajima i o usklađenosti poslovanja sa zakonskim i ostalim propisima u Izvještaju o finansijskoj reviziji Vrhovnog suda za 2022. godinu, Parlamentarna komisija odgovorna za reviziju nije razmatrala revizorski izvještaj od njegovog objavljivanja, niti poduzimala aktivnosti i tražila informacije o realizaciji preporuka.

4. KOMENTARI NA NACRT IZVJEŠTAJA

Na dostavljeni Nacrt izvještaja o praćenju postupanja po preporukama iz Izvještaja o finansijskoj reviziji Vrhovnog suda Federacije BiH za 2022. godinu Vrhovni sud je 14. 1. 2026. dostavio komentar, u kojem je naveo da nema primjedbi na Nacrt.

Praćenje postupanja po preporukama iz Izvještaja o finansijskoj reviziji Vrhovnog suda Federacije Bosne i Hercegovine za 2022. godinu obavio je revizorski tim u sastavu: Senad Hasičić – vođa tima, i Dragan Bujak – član tima.

Vođa tima

Senad Hasičić, s. r.

Rukovoditeljica Sektora za razvoj,
metodologiju i upravljanje kvalitetom

Mia Buljubašić, s. r.

Rukovoditeljica Sektora za finansijsku
reviziju institucija Federacije BiH

Kimeta Bihorac, s. r.

5. PRILOG

Upitnik o postupanju po preporukama

Subjekt revizije:
Revidirana godina:

Vrhovni sud Federacije BiH
2022.

Upitnik o postupanju po preporukama iz Izvještaja o finansijskoj reviziji za 2022. godinu

Red. br.	Preporuka data u Izvještaju o finansijskoj reviziji	Da li je preporuka provedena?				Za odgovore „da“ i „djelimično“ potrebno je dati obrazloženje i priložiti dodatnu dokumentaciju, a za odgovor „ne“ i „neprovođiva“ potrebno je dati obrazloženje
		Da	Djelimično	Ne	Neprovođiva	
1.	2.	3.	4.	5.	6.	7.
1.	Poduzeti dodatne aktivnosti na rješavanju predmeta unutar optimalnih i predvidivih rokova u skladu sa Pravilnikom o vremenskim okvirima za postupanje po predmetima u sudovima i tužilaštvima u BiH.		X			Iz Izvještaja za 2023. i 2024. godinu vidi se da se predmeti u Građanskom i Upravnom odjeljenju rješavaju u optimalnim rokovima, dok se predmeti u Krivičnom odjeljenju rješavaju u djelimično optimalnim, djelimično predvidivim rokovima, a broj predmeta koji se rješava van predvidivih rokova se smanjuje. Naknadno ćemo dostaviti dokaz-izveštaje o radu za 2023. i 2024. godinu (izvještaji za 2025. godinu se tek rade) na Protokol Ureda za reviziju institucija u FBiH.
2.	Uspostaviti ažurne evidencije o radnom vremenu, u skladu s Pravilnikom o sadržaju i načinu vođenja evidencije o radnicima i drugim licima angažiranim na radu.	X				U cilju realizacije preporuke dosnesen je Pravilnik o rasporedu radnog vremena i načinu evidentiranja prisustva u radu sudija i uposlenika Vrhovnog suda FBiH. U skladu sa Pravilnikom uspostavljen je Informacioni sistem za elektronsku evidenciju radnog vremena kojim se vrši kontrola i evidencija prisustva na radu. Naknadno ćemo dostaviti dokaz-izvode iz evidencije na Protokol Ureda za reviziju institucija u FBiH.



Upitnik o postupanju po preporukama

3.	Izvršiti revalorizaciju stalnih sredstava za 2022. godinu u skladu s članom 18. Uredbe o računovodstvu budžeta u FBiH, članom 66. Pravilnika o knjigovodstvu budžeta u FBiH i tačkom 25. Računovodstvenih politika za federalne budžetske korisnike i Trezor.				X	Preporuku nije moguće provesti iz razloga što nastale promjene u regulativi).
----	---	--	--	--	---	---

Sarajevo, 31.12.2025. godine



Odgovorno lice
Božidarka mr Dugonjić V.d. Predsjednice Vrhovnog suda FBiH
(puno ime i prezime, radno mjesto)